



Lindås kommune
Kvernhusmyrane 20
5914 ISDALSTØ

Saksbehandlar, innvalstelefon
Diana Eidem, 5557 2162

Etterlyser felles avfallsplan for småbåthamner som tiltak mot marin forsøpling

Alle hamner må ha godkjent avfallsplan som viser korleis avfall frå skip som legg til kai blir handtert. Kommunen er gitt ansvar å utarbeide felles avfallsplan for hamner som hovudsakeleg mottek avfall frå fritidsbåtar.

Fylkesmannen har ikkje fått felles avfallsplan for småbåthamner i Lindås kommune.

Kommunen må levere felles avfallsplan så snart som mogleg og seinast innan 1. september 2019.

Vi viser til tidligare brev der vi etterlyser avfallsplan for hamner. Vi har motteke og godkjent felles avfallsplan frå kommunen som omfattar 4 kommunale kaianlegg i Lindås kommune. I innsendt avfallsplan datert 30. april 2019 vart det vist til kart over hamnene i kommunen. Kartet gir god oversikt over hamnene i kommunen. Gjennomgang av hamnene som er oppført i kartet viser at det er mange småbåthamner som ikkje har godkjent avfallsplan.

Avfall frå båtar er kjelde til marin forsøpling

Forsøpling til havs er eit aukande nasjonalt og internasjonalt problem. Avfallet kjem frå fleire kjelder, men avfall frå skip og båtar står globalt for omtrent 20 prosent av den marine forsøplinga. Som eit tiltak for å redusere marin forsøpling, er det viktig at båtar leverer avfallet sitt på land og at hamner har tilstrekkeleg mottaksordning for avfall frå båtar som legg til kai.

Avfallsplan for hamner er eit verktøy for å redusere marin forsøpling

Krava til avfallsplanar står i forureiningsforskrifta kapittel 20 om levering og mottak av avfall og lasterestar frå skip. Alle hamner i Noreg fekk krav om å sende avfallsplan til fylkesmannen for godkjenning innan 1. juli 2014, jf. forureiningsforskrifta § 20-6. I tillegg til å lage avfallsplan for hamner kommunen driv eller eig, skal kystkommunar lage felles avfallsplan for hamner som i hovudsak tar imot avfall frå fritidsbåtar (småbåthamner). Planen for småbåthamnene skal lagast i



samråd med hamneansvarleg for småbåthamnene (driftsansvarleg eller grunneigar).
Mottaksordningar for avfallet skal etablerast og drivast i tråd med plan.

Rettleiing

Miljødirektoratet har laga rettleiing og malar, sjå Miljokommune.no.

- Rettleiing til utarbeiding av avfallsplanar i hamner
- Mal for felles avfallsplan for småbåthamner

Felles avfallsplan for småbåthamner i Lindås kommune må sendast til Fylkesmannen snarast

Lindås kommune har ikkje sendt inn felles avfallsplan for småbåthamner. Lindås kommune har plikt til å snarast, og seinast innan **1. september 2019**, sende inn avfallsplan for småbåthamner i kommunen, jf. forureiningsforskrifta § 20-6.

Til orientering har 4 småbåthamner som er under Lindås båtforeining godkjent avfallsplan som er gyldig fram til oktober 2021. Dette gjeld hamnene Myking hamn, Rissundet, Spjeldnessundet og Sævrsvåg hamn.

Ber om stadfesting på motteke brev innan to veker

Vi ber om stadfesting på at de har motteke brevet innan to veker, gjerne inkludert informasjon om kontaktperson i kommunen.

Har de spørsmål?

Ta gjerne kontakt på fmvlpost@fylkesmannen.no og merk e-posten med ref. 2019/4993 viss de har spørsmål knytt til krav om avfallsplan.

Med helsing

Astrid Holte
senioringeniør

Diana Eidem
overingeniør

Dokumentet er elektronisk godkjent